

DIE BUSILLIS

Elezioni RSU Novembre 2007
Comune di Canicattì

Doppu sciarri, vastunati, cutiddrati / li dipendenti eleggieru li Diligati
accussì fu furmata la nova RSU / ca gestirà cuntratti e sordi a bagnirati.
Dudici sunnu comu li discepoli / di nostru Signuri ca cu amuri li guida
miezzu c'è comu lu Vangelu dici / chiddu ca tradirà, lu so nomi è Giuda.*

*Lu primu elettu , è cu nun firmà la prugrissioni / pi vindicari l'uffisa dignità
premiatu pi chissu, si purtò appriessu / n'amicu strittu ma di n'antra città.
Lu terzu è carusu " Seriu " / facciuelu pi anticu paisi di pruvienza
lu stessu si dici pi lu quartu / ca all'urtimu cangià banneru e paranza.

Lu quintu elettu maritu di Eva / perciò patri e comu iddu Cainu
futtì lu so cullega campubiddrisi / ca fora arristà comu un mischinu.
Lu sestu gentilomu ca ci piglià / avi na storia intensa e particolari
si fici aiutari di na seggia biniditta / e di na puecu d'amici pitrulieri.

Lu settimu sigillu avi purtanza e nomi / ca pari un veru cavaddru
pi un votu frigà a lu nicarieddu / ca alla fini nun ci purtò nuddru.
L'ottava e la nona / ca nun sunnu sinfonii di Betoven, da musicari
appaiati comu cavaddra / di Cetto La Qualunque si ficiru aiutari.

Lu decimu è bravu picciuettu / à travagliatu e si lu miritava
l'unnicesima è di pasta bbona / si vidìa di comu s'annacava
lu dudicesimu è vurpi vecchia / cunserva saggizza e glori passati
l'urtimi du comu lu gattu e la vurpi / futtieru li poviri stabilizzati.

L'unicu ca pridicava ni lu disertu / sulidarietà, uguaglianza e fraternitati
li nuevi collegi nun ci diettiru un votu / e tanti vecchi sulu sputazzati.
La cumposizioni di st'assemblea / nun mi fa pinsari a nenti di buenu
la lotta tra poveri nun porta a nenti / è sulu na musica senza lu suenu.

Indice poesie: <http://www.solfano.it/treppiedi/index.html>

Pagina principale: <http://www.solfano.it>